



Вазирликнинг 2021 йил “ 5 ” май даги
-сон буйруғига 13-илова

“Энг яхши блогер” онлайн танлови НИЗОМИ

I. Умумий қондалар

1. Ўзбекистон Ёшлар ишлари агентлиги билан ҳамкорликда 2021 йил 29 январда тасдиқланган “2021 йил Ёшлар ўртасида маънавий-маърифий ва тарбиявий ишлар самарадорлигини ошириш бўйича Олий ва ўрта махсус таълим вазирлиги тизимида амалга ошириладиган ишлар юзасидан чора-тадбирлар Дастури”нинг 3-бандида белгиланган вазифалар ижросини таъминлаш мақсадида ташкил этилади.

2. “Энг яхши блогер” онлайн танловда олий таълим муассасаларида таҳсил олаётган талабалар ўзларининг ижодий ишлари билан иштирок этади.

3. Танловнинг таълим муассасаси босқичларини ташкил этиш ва ўтказиш жараёни олий таълим муассасалари Ёшлар масалалари ва маънавий-маърифий ишлар бўйича проректор томонидан амалга оширилади.

II. Танловнинг мақсади ва вазифалари

4. Танловнинг мақсади мамлакатимизда амалга оширалаётган кенг қўламли ислохотларда ёшларнинг фаол иштирокини таъминлаш, мустақил ва эркин фикрлайдиган, замонавий илм-фан ютуқларини пухта ўзлаштириб, блогерлик фаолиятини шакллантириш, профессионал блог юритиш кўникмаларини ривожлантириш, Ўзбекистоннинг энг янги даврида сиёсат ва ҳуқуқ соҳаларидаги ўзгаришлар ва эришилган ютуқлар бўйича тарих, сиёсий-ҳуқуқий билимлари даражасини аниқлаш, блогерлик фаолиятида назарий билимларини ҳаётга тадбиқ этиш, блогерлик йўналиши бўйича иқтидорли талабаларнинг ижодий намуналарини тенгдошларига тарғиб қилиш, мамлакатимиздаги талаба-ёшларнинг блогерлик фаолиятини юксалтириб, ижодий ишларини интернет орқали жаҳонга тарғиб қилиш ва ўз имкониятларини юзага чиқариш учун шарт шaroитлар яратиш бериш ҳамда рағбатлантиришдан иборат.

III. Танловни ўтказиш босқичи ва муддатлари

5. “Энг яхши блогер” онлайн танлов икки босқичда ўтказилади.

Биринчи босқич - олий таълим муассасаси микёсида факультетларaro 10 май куни ўтказилади.

Иккинчи босқич (яқуний) – республикадаги барча олий таълим муассасалари ғолиблари ўртасида жорий йилнинг 21 июнь куни ўтказилади.

IV. Танловни ташкил этиш ва ўтказиш

6. Танловнинг биринчи босқичини ўтказиш бўйича олий таълим муассасаси ректори буйруғи билан Ташкилий қўмита ва соҳа профессор-ўқитувчилари, олимлари, мутахассислари, жамоат ташкилотлари вакиллариdan иборат таркибда Ҳакамлар хайъати тузилади.

7. Талабалар томонидан йўналишлар бўйича тайёрланган ижодий ишлар факультетлар ва ОТМ кесимида тузилган Ҳакамлар хайъати томонидан танлов шартлари ва мезонлари асосида баҳоланади.

8. Танловнинг иккинчи босқичини ташкил этиш ва ўтказиш Олий ва ўрта махсус таълим вазирлиги қошида ташкил этилган ташкилий қўмита томонидан амалга оширилади. Танловнинг

якуний боскичи ғолибларини аниқлаш бўйича Ҳакамлар хайъати тузилади ва хайъат таркибига соҳа бўйича етук мутахассислар жалб этилади.

V. Танлов шартлари ва баҳолаш мезонлари

9. Танловда талаба блогерлар томонидан блогида ёритилган хабар, таҳлилий мақола, фоторепортаж ва бошқа йўналиши бўйича ҳужжат топширишлари мумкин.
10. Материаллар танлов мавзуси бўйича ёзилиши лозим ва блогпостлар сони 3 тагача бўлиши лозим.
11. Талаба блогерларнинг ижтимоий тармоқлардаги блоглари ёки агар мавжуд бўлса веб-сайтлари ҳаволаси кўрсатилиши лозим.
12. Талаба блогерларнинг ижтимоий тармоқлардаги кузатувчиларининг сони ҳам инобатга олинади.
13. Юқоридаги талабларга жавоб бермайдиган ижодий ишлар қабул қилинмайди. Муаллифлик ҳуқуқи бузилишига йўл қўйилмайди. Плагиат ҳолати аниқланганда иш танловдан четлатилади.
14. Танлов 10 баллик тизим асосида баҳоланади.

VI. Ҳужжатларни тақдим этиш тартиби

15. Танлов иштирокчиларининг ишлари ижтимоий тармоқларларда ёритилиб, ёритилган материалларининг Принт Скрееен (скриншот) ҳаволаси тақдим этилади.
16. Барча ижодий ишлар олий таълим муассасасининг Ишчи гуруҳига тақдим этилади.
17. Ижодий ишлар иштирокчи талаба-ёшларнинг ўқиш жойи, факультети, курси ва таълим йўналиши тўлиқ кўрсатилган ҳолда тақдим этилади.
18. Олий таълим муассасаларида ғолиб бўлган, 1-ўринни эгаллаган талабаларнинг ҳужжатлари (*ОТМ Ташкилий қўмитаси баённомаси ва қарори, ғолиб бўлган талабанинг ижодий иши*)ни Республика Ташкилий қўмитасига электрон шаклда жорий йилнинг 15 май кунига қадар mediamaskan@edu.uz электрон почтасига ҳамда қўйидаги телеграм (94)-602-86-03 юборилади.

VII. Танлов ғолибларини тақдирлаш

19. Танловнинг якуний боскичида юқори 1, 2, 3-ўринни эгаллаган талабалар олий таълим муассасалари томонидан махсус диплом ва қимматбаҳо совғалар, шунингдек, танловда фаол иштирок этган талабалар олий таълим муассасасининг фахрий ёрлиқлари билан тақдирланади ва ғолиб бўлган талабаларнинг ижодий ишлари олий таълим муассасасининг ижтимоий тармоқлардаги расмий саҳифаларида ёритилади.
20. Танловнинг Республика боскичида ғолиб бўлган талабалар Олий ва ўрта махсус таълим вазирлигининг дипломлари ҳамда қўйидаги тартибда пул маблағлари билан рағбатлантирилади:

- 1-ўрин – 2 000 000 (икки миллион) сўм;
- 2-ўрин – 1 500 000 (бир миллион беш юз минг) сўм;
- 3-ўрин – 1 000 000 (бир миллион) сўм.

VIII. Якуний қондалар

21. Танлов ташкилотчиларининг Республика боскичи харажатлари – 1 000 000 (бир миллион) сўм.
22. Танловларни ўтказиш жараёнлари бўйича келиб чиқадиган низолар қонун ҳужжатларида белгиланган тартибда ҳал этилади.
23. Танловнинг натижалари ОАВ томонидан ёритилади.